



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1312 Usque Ad Annum 1351

Fleury, Claude

August. Vind. [u.a.], 1767

VD18 9011826X

§. 23. Avenionense concilium.

[urn:nbn:de:hbz:466:1-66305](https://nbn-resolving.org/urn:nbn:de:hbz:466:1-66305)

Sæcul. XIV.
A.C. 1326.

§. XXIII.

Avenionense concilium.

Hoc ipso anno 1326 decima octava Junii celebratum est magnum concilium in monasterio S. Rufi prope Avenionem. Aderant tres Archiepiscopi Guasbertus Arelatensis, Jacobus Aquisextanus, & Bertrandus Ebredunensis cum multis suffraganeis suis. Guasbertus Duvallius Cadurcensis, qui præsidebat, Papæ cubiculis præfectus, dein Episcopus Massiliensis postea Narbonem translatus fuerat. Jacobus Concosius ex nobili familia Cadurcensi Minorum Ordinem professus, Episcopus Lutevanus, & anno 1312 Aquisextanus Archiepiscopus evasit. Bertrandus Deuxius in Ucetina dicecesi natus ex Præposito Ebredunensis Ecclesiæ factus est Archiepiscopus, ac denique Cardinalis.

Gall. Chr. novæ edit. 1715. to. I. p. 575.

p. 321. Gall. Chr. to. I. p. 280. Baluz. to. I. p. 812.

Avenionensi concilio intererant Episcopi undecim; ex Arelatensi provincia Dragonetus Tricestrinus, Raymundus Vasionis, Otho Carpentoracti, Godefrius Cavellionis, Ademarus Massiliæ, ac Petrus Telonis Præfules; ex Aquisextana provincia Raymundus Segesteronis, Bartholomæus Fori Julii, Guilielmus Vapinci, & Raymundus Aptæ Juliæ Antistites;

stites; e provincia Ebredunensi solus com-
paruit Frater Fulco Vinciensis Episco-
pus. Absentes & Collegia Procurato-
res suos miserant. Avenionensis Eccle-
sia tum carebat Præsule: anno 1318 Pa-
pa Joannes, qui ei præfuerat, suo il-
lam arbitrio reservavit: ex quo tempore
in sacris ac profanis eandem administra-
bant succedentes sibi diversi Vicarii Ge-
nerales. Tertius horum Geraldus Cam-
pomilius hoc in munere Concilio a-
derat.

Condebantur ibi quinquaginta novem
canones, quorum plurimi Ecclesiarum
bona terrena solum & jurisdictionem re-
spiciunt. Primi quatuor aliquot dierum
indulgentiam largiuntur illis, qui certa
pietatis exercitia facerent; nempe qui
sabbato liturgiæ de SS. Virgine interes-
sent; augustissimam Eucharistiam ad æ-
gros portatam comitarentur; pro Papa
preces funderent: se inclinarent, si quis
nomen JESU pronunciet. Mandatur,
ut fontes baptismatis obserentur: qui
neglexerint, multam dependant. Ad-
ditur: Si promulgatæ censuræ ecclesia-
sticæ non observentur, Episcopus, qui
eas irrogaverit, post tempus conveniens
permittente Metropolita poterit a reliquis
ejusdem provinciæ Præsulibus postulare,
ut illas suis in dicecesibus edici jubeant.

Quidam

Sæcul. XIV.
A.C. 1326.

Gall. Chr.
p. 821.

c. 1. 2. 3. 4

c. 5.

c. 6.

Sæcul. XIV.

A. C. 1326.

c. 7.

Quidam proscripti per irrisionem censurarum Sacerdotes aut Præfules, qui eas ipsis injunxerant, fingeant adulteros, execrabantur vicissim, & cereorum loco candelas ex sebo, palearum fasciculos, titiones, carbonesve in sartaginibus accendebant. Concilium detestatur hanc petulantiam; sed remedium ei non

c. 8.

adhibet aliud, quam has censuras tam contemptas. Declarat Clericos non teneri ostendere titulos jurisdictionis, cujus in possessione quieta multos per annos fuerint. Prohibet, ne Judices profani Clericum ad se citent ob actionem

c. 9.

personalem, civilem, aut criminofam: ac generatim pro sententia recepta habet laicis nec in personas, nec in bona ecclesiastica ullam esse potestatem. Quapropter vetat etiam, ne Clericus Clericum ad Optimatem, Judicem, aliumve laicum vocet jus suum prosequendi gratia.

c. 24.

Interdicit, nequis vendat, vel subministret venenum: & pronunciat poenas contra veneficos etiam Clericos: quod indicat id scelus non fuisse rarum. Queritur, hospitales Religiosos Cistercienses & alios privilegiis abuti suis: & declarat, nisi se corrigant, illis nec opem latum, nec assertum iri jura, quæ haberent. Enumerat casus episcopo reservatos. Conqueritur varias res indignas ex laicorum odio in Clerum natas: sed

c. 17.

c. 18.

c. 19.

c. 22.

c. 36.

c. 55.

non

non videtur quæsiisse modos huic mentium alienationi tollendæ idoneos: huc enim non expediebat accumulare pœnas sacras profanasque. Præcipit, ut beneficiarii & curatores domuum hospitalium in principio administrationis suæ indices bonorum mobilium æque ac immobilium ad beneficium vel domum hospitaliæ pertinentium conficiant; atque beneficium abdicantes successoribus suis præter suppellectilem congruam relinquunt, unde hi vivant usque ad perceptionem novorum fructuum.

Sæcul. XIV.
A.C. 1326.

6.52. 53.

§. XXIV.

Concilium Complutense.

Eodem anno 1326, die 25 ejusdem mensis Junii Archiepiscopus Toletanus Joannes Arragoniæ Princeps Compluti concilium habuit, cui aderant tres Episcopi, Petrus Segovinus, Joannes Auximanus, & Ferdinandus Conchensis cum Procuratoribus reliquorum trium, Palentini, Seguntinique, & Cordubensis Antistitum. Duo tantum canones ibi statuebantur; prior contra Toletanos Suffraganeos per alium, quam per Archiepiscopum, ac sine permisso ejus consecratos, nec intra annum ei suam obedientiam coram pollicitos; fortassis ob modicam Castilianorum erga hunc Præsulem

to. II. p. 1771